

FPP BizNewz

December 2020 – May 2021

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

**TRIBUNAL TUNTUTAN
PEMBELI RUMAH:**
Pembeli vs Pemaju
Perumahan

Is Working from Home
a Dream-Come-True
for Introverts or
Vice Versa?

Market Reaction to
PRIVATE PLACEMENT

BELAJAR DENGAN
TikTok

HIBAH:
Alternatif kepada
Pengurusan Aset
Islam di Malaysia

BENGKEL PEMANTAPAN
**PENULISAN ARTIKEL
UNTUK PENERBITAN**

**BERSELAWATLAH,
TANDA KASIH KEPADA
RASULULLAH S.A.W.**

E-DOMPET
DI MALAYSIA:
SATU TINJAUAN

ONE JOURNEY
COMES TO AN END
AND ANOTHER **BEGINS**



Photo by:
M Rishal
on Unsplash

e-Bulletin of the Faculty of Business and Management, UiTM Cawangan Terengganu
eISSN 2600-9811

BENGKEL
PERANCANGAN

STR ATEGIK

FAKULTI PENGURUSAN
DAN PERNIAGAAN

Hani Sakina Mohamad Yusof
Noorazlina Ahmad, Nurafida Abdul Talib
Wan Maziah Wan Ab Razak
Azlina Shamsudin
Marha Abdol Ghapar
Dr. Ahmad Suffian Mohd Zahari

Fakulti Pengurusan dan Perniagaan, UiTM Cawangan Terengganu

Universiti Teknologi MARA (UiTM) dijangkakan akan melonjak menjadi sebuah universiti awam yang bertaraf global dalam bidang sains, teknologi, kemanusiaan, dan keusahawanan di masa akan datang.

Pelan Strategik UiTM 2025 secara rasminya telah digunakan sebagai penanda aras ke arah merealisasikan transformasi tersebut. Selari dengan itu, Fakulti Pengurusan dan Perniagaan (FPP), UiTMCT turut sama berganding bahu dalam mencapai petunjuk prestasi yang dirancang. Berbekalkan semangat kerja berpasukan yang jitu, pada Mac 2021 yang lalu, satu Bengkel Perancangan Strategik FPP telahpun berjaya dijalankan. Bengkel ini bertujuan merancang aktiviti-aktiviti fakulti dalam membantu universiti mencapai perancangan yang telah ditetapkan.

Walaupun menghadapi kekangan daripada situasi pandemik COVID-19 yang sedang melanda seluruh dunia, namun pelbagai inisiatif ataupun aktiviti telah dirancang untuk dilaksanakan sepanjang tahun 2021. Perancangan yang teliti mampu mencorak serta meningkatkan daya tindakan yang seiring dengan sasaran. Setiap perancangan yang dicadangkan juga perlu selari dengan falsafah, visi, dan misi UiTM keseluruhan dan, oleh sebab itu, adalah sangat penting untuk memperkemaskan perancangan strategik di peringkat fakulti.

Bengkel Perancangan Strategik FPP 2021 bertujuan memurnikan perancangan strategik 2021-2025 dengan mengambil kira perubahan-perubahan terkini. Bengkel ini juga merancang aktiviti-aktiviti dan membuat semakan semula



Bengkel Perancangan Strategik FPP 2021 bertujuan memurnikan perancangan strategik 2021-2025 dengan mengambil kira perubahan-perubahan terkini.

perancangan supaya setiap objektif fakulti tercapai sama ada untuk jangka masa pendek atau pun panjang, serta menepati sasaran perancangan strategik yang telah dirancang di peringkat UiTM. Bengkel ini adalah penting dalam memastikan segala aktiviti yang dirancang bergerak sejajar dengan perancangan, visi, dan misi UiTM dan akhirnya membantu mencapai misi pendidikan negara.

Dalam memastikan agar bengkel ini berjalan dengan lancar dan berkesan, para peserta bengkel dibahagikan kepada beberapa kumpulan tertentu mengikut petunjuk prestasi yang telah ditetapkan oleh universiti. Setiap kumpulan akan mengadakan Sesi Percambahan Fikiran, berbincang dan merancang aktiviti yang bakal dilaksanakan. Pada sesi ini, setiap kumpulan perlu mengemukakan cadangan, mengenalpasti cara dan menentukan kaedah pelaksanaan, serta kelebihan dan kekurangan setiap program yang dirancang. Kemudian, setiap ketua kumpulan diminta untuk mengemukakan laporan dan membuat pembentangan hasil perbincangan atau cadangan aktiviti yang dirancang. Proses perbincangan ini melibatkan sejumlah 70 orang ahli fakulti sebagai peserta. Bagi mengikut garis panduan (SOP) yang telah ditetapkan di musim COVID-19, dua buah dewan telah digunakan. iaitu melibatkan penggunaan Dewan Mawar dan Dataran Sura, dan ia juga dijalankan secara *hybrid* (*online* dan *bersemuka*).

Alhamdulillah, dengan keberkatan daripada Yang Maha Esa, bengkel ini telah berjaya dilaksanakan dalam masa satu hari dengan penghasilan perancangan mengikut objektif dan sasaran tahunan yang telah ditetapkan demi merealisasikan visi dan misi UiTMCT. Yang paling utama

adalah penglibatan semua ahli dalam merancang aktiviti fakulti, dan dalam masa yang sama menjadi platform kepada peserta dalam mengeratkan hubungan dan meningkatkan semangat kerja berpasukan, "*FBM awesome*".



...



FPP BizNewz

December 2020-May 2021
Faculty of Business and Management
UiTM Cawangan Terengganu
eISSN 2600-9811